




ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
ԱՇԽԱՏԱԿԱԶՄ

«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»  
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

«13» 02 2017թ.

Հաստատում եմ՝

«Գնումների աջակցման կենտրոն» ՊՈԱԿ-ի  
պետ  Մ. Անանյան

ՍՅ-ԳԲԽ-107/16 բողոքը քննող  
հանձնաժողովին

**Ե Ջ Ր Ա Կ Ա Ց ՈՒ Թ Յ ՈՒ Ն**

Ղեկավարվելով «Գնումների մասին» ՀՀ օրենքի 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով և ուսումնասիրելով ՀՀ ֆինանսների նախարարության 26.05.2016թ. թիվ 1/73-1/15050-16 գրությամբ ներկայացված Ա/Ձ Արթուր Հակոբյանին (ՀՎՀՀ՝ 65117166) գնումների գործընթացին մասնակցելու իրավունք չունեցող մասնակիցների ցուցակում ներառելու հարցը, պարզել ենք հետևյալը.

**1. ՀՀ ֆինանսների նախարարության ներկայացրած փաստերը և պահանջը**

ՀՀ ֆինանսների նախարարությունը, ՀՀ աշխատանքի և սոցիալական հարցերի նախարարության 31.08.2015թ. թիվ ԱԳ/ԱՎԱ/7689-15 գրության հիման վրա, 29.09.2015թ. թիվ 1/73-1/28029-15 գրությամբ դիմել է «Գնումների աջակցման կենտրոն» ՊՈԱԿ-ին (այսուհետև նաև՝ Կենտրոն)՝ խնդրելով ուսումնասիրել Ա/Ձ Արթուր

Հակոբյանին (այսուհետ նաև՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում (այսուհետ նաև՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված Ա/Ձ-ին Ցուցակում ներառելու համար:

ՀՀ ֆինանսների նախարարությունը վերը նշված գրությամբ Կենտրոնին է ներկայացրել ՀՀ աշխատանքի և սոցիալական հարցերի նախարարության 31.08.2015թ. թիվ ԱԳ/ԱՎԱ/7689-15 գրության պատճենը:

Կենտրոնը 23.05.2016թ. թիվ 02/04.1/1986-16 գրությամբ ՀՀ ֆինանսների նախարարության 29.09.2015թ. թիվ 1/73-1/28029-15 գրության հիման վրա «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում ներկայացրել է եզրակացություն, որով Կենտրոնը արձանագրել է Ա/Ձ Արթուր Հակոբյանի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը:

Միաժամանակ Կենտրոնը հայտնել է, որ «Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար անհրաժեշտ է, որ նույն կետով սահմանված և մասնակցին վերագրվող խախտում թույլ տալու պահից **մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ**, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Հաշվի առնելով վերոգրյալը՝ Կենտրոնը գտել է, որ կողմից խախտումը թույլ տալու պահից (09.07.2015թ.) հաշված մեկ տարվա ընթացքում մասնակիցների կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում Ա/Ձ Արթուր Հակոբյանը կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Սակայն, ՀՀ ֆինանսների նախարարությունը 26.05.2016թ. թիվ 1/73-1/15050-16 գրությամբ հանձնարարել է Կենտրոնին նախաձեռնել Ա/Ձ Արթուր Հակոբյանին

գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

## **2. Ա/Ձ Արթուր Հակոբյանի ներկայացրած փաստարկները և դիրքորոշումը**

Ա/Ձ Արթուր Հակոբյանը, պատշաճ ծանուցված լինելով ԳԲԽ-107/16 բողոքը քննող հանձնաժողովի 28.12.2016թ. ժամը 17:20-ին կայացած նիստի օրվա, տեղի և ժամի մասին, չի ապահովել իր ներկայացուցչի մասնակցությունը:

## **3. ՀՀ աշխատանքի և սոցիալական հարցերի նախարարության ներկայացրած փաստարկները և դիրքորոշումը**

ՀՀ աշխատանքի և սոցիալական հարցերի նախարարությունը 31.08.2015թ. թիվ ԱԳ/ԱՎԱ/7689-15 գրությամբ ներկայացրել է «ՇՀԾՁԲ-15/11-15/5» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող բոլոր անհրաժեշտ փաստաթղթերի պատճենները:

## **4. ՍՑ-ԳԲԽ-107/16 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը**

ՀՀ ֆինանսների նախարարության 26.05.2016թ. թիվ 1/73-1/15050-16 գրությամբ ներկայացված Ա/Ձ Արթուր Հակոբյանին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված բողոքի քննության համար էական նշանակություն ունեն հետևյալ փաստերը՝

1. Ա/Ձ Արթուր Հակոբյանը ՀՀ աշխատանքի և սոցիալական հարցերի նախարարության կողմից կազմակերպված «ՇՀԾՁԲ-15/11-15/5» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ) մասնակցելու նպատակով 09.07.2015թ. ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված

մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

2. Պատվիրատուն ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին կատարված հարցմամբ խնդրել է տրամադրել տեղեկատվություն Ա/Ձ Արթուր Հակոբյանի վերաբերյալ:

3. Ի պատասխան վերոհիշյալ հարցմանը՝ ՀՀ ֆինանսների նախարարության կողմից Պատվիրատուին տրամադրվել է եզրակացություն, համաձայն որի Ա/Ձ Արթուր Հակոբյանը 2015թ. հուլիսի 9-ի դրությամբ (հայտը ներկայացնելու օրվա դրությամբ) ունեցել է ժամկետանց հարկային պարտավորություն՝ 77 ՀՀ դրամի չափով:

4. ՀՀ ֆինանսների նախարարությունը, ՀՀ աշխատանքի և սոցիալական հարցերի նախարարության 31.08.2015թ. թիվ ԱԳ/ԱՎԱ/7689-15 գրության հիման վրա, 29.09.2015թ. թիվ 1/73-1/28029-15 գրությամբ դիմել է Կենտրոնին՝ խնդրելով ուսումնասիրել Ա/Ձ Արթուր Հակոբյանին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված Ա/Ձ-ին Ցուցակում ներառելու համար:

5. ՀՀ ֆինանսների նախարարությունը 29.09.2015թ. թիվ 1/73-1/28029-15 գրությանը կից ներկայացրել է Վանաձորի տարածքային հարկային տեսչության 24.09.2015թ. թիվ 65-4/[934284]-15 գրությունը, որի համաձայն՝ Ա/Ձ Արթուր Հակոբյանի ՀՀ պետական բյուջեի նկատմամբ ունեցած ժամկետանց հարկային պարտավորությունները կազմել են.

- շրջանառության հարկի տույժ-40 ՀՀ դրամ,
- եկամտային հարկի տույժ-37 ՀՀ դրամ

Ընդամենը՝ 77 ՀՀ դրամ:

6. Կենտրոնը 23.05.2016թ. թիվ 02/04.1/1986-16 գրությամբ արձանագրել է Ա/Ձ-ի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը և տեղեկացրել է Նախարարությանը, որ գործում առկա չէ որևէ տեղեկատվություն Ա/Ձ-ի կողմից խախտումը թույլ տալու օրվանից՝ 09.07.2015թ.-ից, հաշված մեկ տարվա ընթացքում հայտ ներկայացնելու վերաբերյալ, ուստի Կենտրոնը գտել է, որ ՀՀ ֆինանսների նախարարության 29.09.2015թ. թիվ 1/73-1/28029-15 գրությամբ ներկայացված Ա/Ձ Արթուր Հակոբյանին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

7. Միաժամանակ Կենտրոնը տեղեկացրել է, որ խախտումը թույլ տալու պահից (09.07.2015թ.) հաշված մեկ տարվա ընթացքում Ա/Ձ-ի կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում Ա/Ձ Արթուր Հակոբյանը կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

8. Ի պատասխան Կենտրոնի 23.05.2016թ. թիվ 02/04.1/1986-16 գրության՝ ՀՀ ֆինանսների նախարարությունը, Կարգի 124-րդ կետի 2-րդ ենթակետի համաձայն, 26.05.2016թ. թիվ 1/73-1/15050-16 գրությամբ հանձնարարել է Ա/Ձ Արթուր Հակոբյանին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

**5. ԱՅ-ԳԲԽ-107/16 պաշտոնական ընթացակարգով նախաձեռնված բողոքը  
քննող հանձնաժողովին «Գնումների աջակցման կենտրոն» ՊՈԱԿ-ի կողմից  
ներկայացվող հիմնավորումները և եզրահանգումը**

Կենտրոնը, ուսումնասիրելով ՀՀ ֆինանսների նախարարության 29.09.2015թ. թիվ 1/73-1/28029-15 և 26.05.2016թ. թիվ 1/73-1/15050-16 գրությունները, ՀՀ աշխատանքի և սոցիալական հարցերի նախարարության 31.08.2015թ. թիվ ԱԳ/ԱՎԱ/7689-15 գրությունը և կից փաստաթղթերը, հայտնում է հետևյալը.

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 2-րդ կետի համաձայն՝ **գնումների ընթացակարգերին մասնակցելու**

**իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

Նույն հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում **ներկայացրել է կեղծ տվյալ:**

Ա/Ձ Արթուր Հակոբյանը ՀՀ աշխատանքի և սոցիալական հարցերի նախարարության կողմից կազմակերպված «ՇՀԾՁԲ-15/11-15/5» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ) մասնակցելու նպատակով 09.07.2015թ. ներկայացրած հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:

Համաձայն ՀՀ ֆինանսների նախարարության կողմից տրամադրված եզրակացության՝ Մասնակիցը Ընթացակարգին մասնակցության հայտը ներկայացնելու (09.07.2015թ.) օրվա դրությամբ ունեցել է ժամկետանց հարկային պարտավորություն 77 ՀՀ դրամի չափով:

Ելնելով վերոգրյալից՝ Կենտրոնը գտնում է, որ Ա/Ձ Արթուր Հակոբյանի կողմից 09.07.2015թ. հայտի N 2 հավելվածով ներկայացված հայտարարությունը հանդիսանում է «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված գնման գործընթացի շրջանակում կեղծ տվյալի ներկայացում:

«Իրավական ակտերի մասին» ՀՀ օրենքի 86-րդ հոդվածի 1-ին մասի համաձայն՝ իրավական ակտը մեկնաբանվում է դրանում պարունակվող բառերի և արտահայտությունների տառացի նշանակությամբ՝ հաշվի առնելով օրենքի պահանջները:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- *նույն կետի «բ» ենթակետերով նախատեսված և մասնակցին վերագրվող խախտման առկայությունը,*
- *խախտումը թույլ տալու պահից մեկ տարվա ընթացքում մասնակցի կողմից գործընթացին մասնակցելու համար հայտ ներկայացրած լինելու հանգամանքը:*

Այսպիսով, Կենտրոնը արձանագրում է, որ Ա/Ձ Արթուր Հակոբյանի վերաբերյալ դեռևս առկա է Ցուցակում ներառելու միայն մեկ հիմքը, այն է՝ **Օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված և վերջինիս վերագրվող խախտման առկայությունը**, սակայն Ա/Ձ-ին Ցուցակում ներառելու մասին որոշումը կարող է կայացվել միայն երկրորդ պարտադիր հիմքի՝ **խախտումը թույլ տալու պահից մեկ տարվա ընթացքում մասնակցի կողմից հայտ ներկայացնելու հանգամանքի** ի հայտ գալու պայմաններում: Մինչդեռ մինչև վերոհիշյալ եզրակացությունը ԱՅ-ԳԲԽ-107/16 բողոքը քննող հանձնաժողովին տրամադրելը՝ Կենտրոնը չունի որևէ տեղեկատվություն Ա/Ձ-ին վերագրվող խախտում թույլ տալու պահից հաշված (09.07.2015թ.) մեկ տարվա ընթացքում գնման որևէ գործընթացին հայտ ներկայացրած լինելու վերաբերյալ, ինչը հանդիսանում է մասնակցին Ցուցակում ներառելու մասին որոշում կայացնելու համար երկրորդ պարտադիր պայմանը:

Ելնելով վերոգրյալից՝ Կենտրոնը առաջարկում է ՀՀ ֆինանսների նախարարության 26.05.2016թ. թիվ 1/73-1/15050-16 գրությամբ ներկայացված Ա/Ձ Արթուր Հակոբյանին (ՀՎՀՀ՝ 65117166) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը մերժել:

«Գնումների աջակցման կենտրոն» ՊՈԱԿ-ի

Պետի տեղակալ՝




Հ. Այուսց

Գնումների բողոքարկման և իրավական  
խորհրդատվության վարչության պետ՝



Հ. Ենգոյան

Գնումների բողոքարկման և  
ահագանգման բաժնի գլխավոր  
մասնագետ՝ ՍՅ-ԳԲԽ-107/16 բողոքը  
քննող հանձնաժողովի քարտուղար՝



Լ. Հովակիմյան